



KOMUNIKADO PA PRENSA

Fecha

15-02-2020

Kontanto di Komunikashon

Jhanirha Da Costa Gomez

Email

jhanirha.anita@gobiernu.cw

Brùg Koningin Juliana ta sera un ratu pa tráfiko riba djadumingu 16 di febrüari for di 8.30 di mainta

Willemstad - Brùg Koningin Juliana ta sera un ratu pa tráfiko riba djadumingu 16 di febrüari for di mitar di 9 di mainta (8.30am). Esaki ta relashoná ku entrada di e barku Wish Way den bahia di Santa Anna. E barku aki ta trese dos kran nobo pa CPS djadumingu awor. Pa motibunan di seguridat, ta para tráfiko riba brùg pa asina loodsnan di Havenmeester por yuda kordiná entrada di e barku ku e krannan abordo.

E barku ta yega djasabra 15 di febrüari i ta plania pa dreña djadumingu 16 di febrüari. Loods ta na bordo trempa parti mainta dia 16 di febrüari. Havenmeester a reuní ku huntu Servisio pa Obra Públiko (OW) i Kuerpo Polisial Kòrsou pa kordiná entrada di e barku aki. Lo buta dos marka riba brùg Juliana pa asistí e loods ku ta na bordo. Dos loods lo ta riba brùg Juliana tambe pa yuda kordiná i Havenmeester lo kordiná den bahia di Santa Anna.

Lo sera ámbos via di ámbos direkshon riba brùg pa garantisá seguridat. E proseso di entrada ta unu delikado ku por tuma su tempu. Tur e profeshonalnan envolví lo hasi nan maksimo esfuerso pa esaki kana seif, sigur, i mas rapido posibel. Despues di entrada di e barku, tráfiko por sigui kore normal. OW ta pidi komunidat kompreshon den e momentu aki i lo trata na hasi esaki mas lihé posibel ku lo mínimo na molèster.